

Adabi puta

[Bosanski – Bosnian – بوسني]

Muhammed b. Ibrahim et-Tuvejdžiri

Prijevod:

Hakija Kanurić

Revizija:

Ersan Grahovac

2014 - 1435

IslamHouse.com

﴿ آداب الطريق ﴾

« باللغة البوسنية »

محمد بن إبراهيم التويجري

ترجمة:

هاكيا كانوريتش

مراجعة:

أرسان غراهوفاتس

2014 - 1435

IslamHouse.com

Adabi puta

Pravo puta

1. Ebu Seid el-Hudri, radijallahu anhu, prenosi da je Poslanik, sallallahu alejhi ve sellem, rekao: „**Čuvajte se sjedenja po putevima.**“ Rekoše: „**Allahov Poslaniče, sjedenje na putu je nama neophodno, mi tu razgovaramo.**“ Allahov Poslanik, sallallahu alejhi ve sellem, na to reče: „**Ako ćete sjediti, onda dajte putu njegovo pravo.**“ Rekli su: „**A šta je pravo puta, o Allahov Poslaniče?**“ Poslanik, sallallahu alejhi ve sellem, je odgovorio: „**Obaranje pogleda, otklanjanje neprijatnosti, odvrćanje selama i naređivanje dobra i zabranjivanje zla.**“ (Muttefekun alejh)¹
2. U drugoj predaji je rečeno: „**Čuvajte se sjedenja po putevima.**“ Rekoše: „**Sjeli smo bez loše namjere, sjeli smo da se prisjećamo i razgovaramo.**“ Allahov Poslanik, sallallahu alejhi ve sellem, na to reče: „**Ako ćete sjediti, onda dajte putu njegovo pravo: obaranje pogleda, odvrćanje selama i lijep govor.**“ (Bilježi Muslim)²

¹ Bilježi Buharija, br. 6229., i ovo je njegova verzija, i Muslim, br. 2121.

² Bilježi Muslim, br. 2161.

3. A u drugoj predaji je rečeno: „**Da pomognete onom kome nepravda bude učinjena i da uputite zalutalog.**“ (Bilježi Ebu Davud) ³

Otklanjanje onog što smeta na putu

Ebu Hurejre, radijallahu anhu, prenosi da je Poslanik, sallallahu alejhi ve sellem, rekao: „**Vidio sam čovjeka kako se naslađuje u Džennetu zbog drveta kojeg je posjekao a smetalo je ljudima na putu.**“ (Muttefekun alejh)⁴

Neobavljanje nužde na putu

Ebu Hurejre, radijallahu anhu, prenosi da je Poslanik, sallallahu alejhi ve sellem, rekao: „**Čuvajte se dva prokletstva.**“ Rekoše ashabi: „**A koja su to dva prokletstva, Allahov Poslaniče?**“ A Poslanik, sallallahu alejhi ve sellem, odgovori: „**Obavljanje nužde na mjestu kuda ljudi prolaze i u hladu gdje sjede.**“ (Bilježi Muslim)⁵

Nepljućanje u smjeru Kible na putu niti na drugom mjestu

³ Hadis je vjerodostojan, a bilježi ga Ebu Davud, br. 4817.

⁴ Bilježi Buharija, br. 652., i Muslim, br. 129., u Poglavlju o dobročinstvu, a ovo je njegova verzija.

⁵ Bilježi Muslim, br. 269.

Huzejfe, radijallahu anhu, prenosi da je Poslanik, sallallahu alejhi ve sellem, rekao: „**Ko pljune u smjeru Kible na Sudnjem danu će doći a njegova pljuvačka mu između očiju.**“ (Bilježi Ibnu Huzejme i Ebu Davud)⁶

Šta se kaže pri ulasku u prevozno sredstvo

Uzvišeni Allah je rekao: *Hvaljen neka je Onaj koji je dao da nam one služe, mi to sami ne bismo mogli postići, i mi ćemo se, sigurno, Gospodaru svome vratiti!* (Ez-Zuhruf, 13-14.)

Blagost prema životinjama-jahalicama za vrijeme putovanja i neodmaranje noću na putu

Ebu Hurejre, radijallahu anhu, prenosi da je Poslanik, sallallahu alejhi ve sellem, rekao: „**Kada putujete travnatim područjem dadnite kamilama njihov udio u paši, kada putujete neplodnom zemljom ubrzajte kretanje, a kada odmarate noću izbjegavajte put, jer njime noću prolaze životinje.**“ (Bilježi Muslim)⁷

Izbjegavanje oholog hoda

⁶ Hadis je vjerodostojan, a bilježi ga Ibnu Huzejme, br. 1314., i Ebu Davud, br. 3824.

⁷ Bilježi Muslim, br. 1926.

1. Rekao je Uzvišeni Allah: ***I, iz oholosti, ne okreći od ljudi lice svoje i ne idi zemljom nadmeno, jer Allah ne voli ni gordog ni hvalisavog. U hodu budi odmjeren, a u govoru ne budi grlat; ta najneprijatniji glas je revanje magarca!*** (Lukman, 18-19.)
2. Ebu Hurejre, radijallahu anhu, prenosi da je Poslanik, sallallahu alejhi ve sellem, rekao: „**Dok je jedan čovjek hodao zadivljen svojom bujnom kosom i odjećom zemlja se pod njim otvorila tako da on propada u zemlji sve do Sudnjeg dana.**“ (Muttefekun alejh)⁸

⁸ Bilježi Buharija, br. 5789., i Muslim, br. 2088., i ovo je njegova verzija.